

YU GAT  
TINGTING  
O  
NOGAT?



## ***Yu Gat Tingting O Nogat?***

Givim beksait long dispela tok sapos yu no laik God i tekewe sin bilong yu. Sapos yu skelim tingting pinis long go long Hel, ples bilong dai oltaim. Ating ol toktok hia i olsem longlong tok long yu na dispela hap pepa i tokaut long marimari bilong God long man bilong Graun em i samting nating long yu bilipim.

Tasol bikpela laik bilong mipela i olsem—God i mas kisim bek yu. Bikpela em i save isi-isi long mipela long wanem em i no laik bai yumi lus, tasol em i laikim bai yumi olgeta i tanim bel: **2 Pita 3v9**. Olsem Kraist i bin dai wanpela taim long karim sin bilong yumi, stretpela man i dai bilong kisim bek yumi man nogut. **1 Pita 3v18**.

Mipela askim yu long nem bilong Kraist, yu tanim bel na kam long Kraist: **2 Corin. 5v20**.

Ating yu tingting bilong wanem bai yu mas tanim bel, yu ting yu gutpela man. Yu bihainim Lo, yu givim samting long ol rabisman. Pasim bilong yu i gutpela. Olsem planti man i ting dispela i rot bilong laip. Na yu amamas long gutpela pasin bilong yu yet. Tasol God i

tok "i gat wanpela rot, i gutpela tumas long ol man, tasol pinis bilong en em i dai: **Proverbs 14v12**. I gat wanpela rot i go long Heven, tasol i gat planti liklik rot na ol inap paulim yu i go long ples bilong bagarap na bai yu lus olgeta. Tok bilong God i tokim yumi, olgeta man i bin mekim sin na i kamap sot long stretpela pasin bilong God, na pe bilong sin em dai, tasol presen yumi kisim nating long God, em laip i stap oltaim, oltaim insait long Jisas Kraist: **Rom 3v23, 6v23**. Long stori bilong Farasi na man bilong kisim takis yumi lukim wanpela gutpela rot. **Luk 18v9-14**. Farasi i tingim gutpela pasin bilong em yet. Tasol God i tok-i no long stretpela pasin bilong yumi, bai God i kisim bek yumi. Tasol long marimari bilong em yet: **Taitus 3v5**. Dispela Farasi i no save olsem olgeta man i sinman wankain tasol: **Rom 3v23**. Save man, man nating, mani man, rabisman-olgeta i wankain. I nogat narapela rot bilong God i kisim bek man i rogat narapela nem we bai God i kisim bek yumi—long Heven o long graun. Em long nem bilong Jisas Kraist tasol: **Aposel 4v12**. Farasi em i lotu man Em i save prea na fas na givim mani long taitis na ofa. Tasol pasin lotu i no inap kisim bek sol bilong yumi. Nogat. Yumi mas kisim Jisas long laip bilong numi yet. Jisas i mas kam na stap insait long laip bilong yumi: **Jon**

**5v12.** Dispela narapela man i nogat samting long givim God. Em yet tasol na laip bilong em. Em i save marimari bilong God tasol inap kisim bek em. Bai God i kisim bek yumi. Bilip long Kraist—em bin dai long kisim bek ol sin man: Bikpela i tok long **Luk 18v14** dispela man i go long haus bilong em waintaim bikpela bel isi tru: Laik na tingting bilong God long kisim bek i olsem.

"Bilip long Jisas Kraist, na bai God i kisim bek yu:"  
**Aposel 16v31.**

Pren bilong mi, nau tasol yu ritim rot bilong God i kisim bek yu. Bai yu tok nogat yet long dispela tok? Bai yu tok nogat long dispela (JISAS) husat i bin dai long yu na tromowe dispela pepa o dai yu mekim olsem dispela man i singaut long marimari bilong God?

Man bilong kisim bek yumi (JISAS) em i tok—  
"husat man i kam long mi, bai mi no inap rausim em."  
**Jon 6v37.**